



**Claudii Fleurii Abbatis Historia Ecclesiastica**

Ab anno Christi 1606. usque ad annum 1610

**Fleury, Claude**

**August. Vind. [u.a.], 1776**

**VD18 90118820**

§. 2. Pater Garnetus Jesuita captus.

---

[urn:nbn:de:hbz:466:1-67222](#)

Sæc. XVII. fensissimi commentum fuisse assererent,  
A.C. 1606. addebant etiam primam de hac conju-  
 ratione notitiam ad Jacobum pervenisse per Henricum IV. Franciæ Regem,  
 qui eam a Jesuitis eo fine didicisset, ut  
 Angliæ excidium in rem suam verteret.

## §. II.

*Pater Garnetus Jesuita captus.*

*Juvenc. hist.* Tandem Pater Garnetus Jesuita, qui  
*Soc. l. 13.* aliquamdiu hæreticorum insequen-  
*p. 5. n. 49.* tium sedulitatem eluferat, in laqueos  
*Thuan.* incidit, nefaria proditione cuiusdam Ca-  
*lib. 135.* tholici nomine Hunfredi Littletoni, qui,  
*Rapin. l. 18.* ut supra meminimus, conjuratos urbe  
 egressos in ædes suas receperat. Hic  
 veniæ ac recuperandæ libertatis spe de-  
 ceptus, hunc Patrem unacum Oldcornio,  
 quem *Hallum* vulgo nominabant, in  
 Albingtonensi castello delitescere de-  
 nuntiabat, quo comperto mox Hen-  
 ricus Bromleyus secta Puritanus cum du-  
 centis satellitibus advolat, ambosque  
 Jesuitas unacum Garneti famulo Lon-  
 dinum ad carceres deducit, in quo præ-  
 fatus famulus obtuso cultro seipsum tru-  
 cidabat: Primis diebus Pater Garne-  
 tus perbenigne habebatur, postea a Ju-  
 dicibus interrogatus, cum omnia per-  
 negasset, ad custodiam reducitur, cu-  
 jus intermedia pars carcerem, in quo

P.Ol-

P. Oldcornus detinebatur, dividebat. Sæc. XVII.  
 Eodem in pariete foramen erat, per A.C. 1606.  
 quod vox ab uno ergastulo ad aliud sibi  
 adjunctum commeare poterat: igitur  
 Pater Garnetus de socii sui præsentia  
 admonitus eundem, quonam loco ipsius  
 caussa esset, sciscitatur, cui Oldcornus  
 hæc respondit: *nihil adhuc inventum scio, In Processu*  
*quo me conjurationis consciū probare* Lond. Gar-  
*possent, nec porro quicquam invenire po-* net. p. 13. &  
*terunt; unicus enim, a quo facinus prope*  
*perfectum cognovi, in terris adhuc exstat,*  
*qui tamen jam ex Anglia excessit, ac proin*  
*nullum criminis indicium facere potest.* Ab-  
 scondebantur studiose ipsis insciis duo  
 probatæ fidei testes, qui ab iis excepta  
 mox ad Judices deferebant. Insuper  
 subornatus erat quidam homo, qui se  
 Catholicum simulans, de oppressa Re-  
 ligione querebatur, hacque ratione in  
 iunctam Garneti familiaritatem sese in-  
 sinuabat: Huic ergo Garnetus doli igna-  
 rus, ad quamdam Nobilem fœminam,  
 quæ ob Religionem pariter carcere man-  
 cipata hæserat, literas dabat, in qui-  
 bus ipsam incautius edocebat, quæ ipse  
 jam confessus, & de quibus nondum  
 interrogatus esset, & qua demum ra-  
 tione ipsa quoque jam confessa excu-  
 sare, & nondum cognita silentio pre-  
 mere posset: dein ejusdem perfidi opera  
 usus ad alium, qui alibi custodiebatur,

A 3

lite-

Sæc. XVII. literas dedit omni culpa vacantes, in  
A.C. 1606.

*Recueil des  
Ecrits sur  
les Affair.  
d'Etat  
Vol. II.  
p. 206.*

margine tamen sat spatio arcana mali  
citrii succo descripserat, significans, quod  
Regis judicium se declinaturum spera-  
ret, eoquod innocentia tutus idoneas  
probationes adversus se deesse sciret, si  
tamen **secus** accideret, necesse foret,  
ut unus homo moreretur pro populo.  
Hæ literæ ad Judices delatæ, atque  
ad ignem admotæ latentem Scripturam  
prodiderant. Altera igitur die evoca-  
tur Garnetus: objicitur ei colloquium  
cum Patre Oldcorno habitum: quis  
ille, ex quo conjurationem cognove-  
rit, edicere jubetur. De iisdem seor-  
sim interrogatur Oldcornus: Garnetus  
autem hæc duntaxat ex conjectura dici-  
ratus, interposita etiam juramenti reli-  
gione, atque oppignorata animæ suæ  
salute se cum Oldcorno collocutum haud  
fuisse asseverabat, audiens autem, quod  
Oldcornus veritatem fassus esset, de per-  
jurio insimulatus respondit, se existi-  
masse, quod semetipsum accusare non  
teneatur, deficientibus aliis testibus,  
atque argumentis: his dictis insuper  
priorem suam assertionem excusare ni-  
tebatur, tandem ingenue fassus, hunc  
fuisse Patrem Grenwellum, qui a Ca-  
tesbyo de conjuratione plene edoctus  
fibi quoque ante quinque Mensium de-  
cursum eandem manifestasset, Cates-  
byum

byum vero a se enixe rogatum fuisse, Sæc. XVII.  
 ut is nihil contra Regem Regnumque A. C. 1606.  
 moliretur, summo Pontifice severe  
 prohibente, ne sese ulli conspirationi  
 immisceret: preces quoque se fudisse fa-  
 tebatur pro avertendo tanti mali succes-  
 su & præveniendis acerbioribus edictis,  
 quæ in proximis Comitiis contra Ca-  
 tholicos condenda timuisset.

## §. III.

*PP. Garnetus & Oldcornus coram  
Judicibus interrogati.*

Jam ter & vices Henricus Garnetus P. Calmet  
Hist. Univ.  
 a decima tertia Februarii usque ad l. 152. n. 38.  
 vigesimam sextam Martii diem interro- P. Juvenc.  
 gatus biduo post in Londinensi Tribu- l. 13. p. 5.  
 nali publico sistitur judicio, in quo Coo- Rapin. &  
Thuan. l. c.  
 kius longa oratione crimina Garneto Merc. Gal-  
 objecta prosequebatur: Hic vero ad lobelg. tom. 6.  
 suam defensionem exponebat, quod li- pag. 1.  
 cet de conjuratione diu per rumores Epist. Ca-  
saubon. ad  
 cognovisset; magis vero specialia ex solo P. Front.  
 Patre Grenwello didicisset, interposito edit. 1709.  
 tamen Sacrae Confessionis sigillo, cu- pag. 424.  
 jus arcani religionem violare nefas es-  
 set: de cetero autem ipsem ab hoc fa-  
 cinore, quod ipse summopere detesta-  
 retur, Grenwellum dehortatus fuisset.  
 Hæc cum dixisset Garnetus, mox Cæ-  
 cilius Saresberiensis Comes eum acerbe

A 4

ob-